



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Manuale Exercitiorvm Spiritvalivm

Capilla, Andrés de

Coloniae, 1607

Dominica die. Exercit. 39

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

## Exercitium 39.

*Esai. 25. Et faciet Dominus Deus exercituum omnibus populis in monte hoc conuiuium pinguium conuiuium vindemiae, pinguium medullatorum, vindemia defecata.*

*Luc. 22. Ego dispono vobis sicut disposuit mihi pater meus regnum, vt edatis super mensam meam in regno meo.*

*Apoc. 19. Beati qui ad cœnam nuptiarum agni vocati sunt.*

*Psal. 36. Inebriabuntur ab vbertate domus tuae, & torrente voluptatis tuae potabis eos.*

*Psal. 16. Satiabor cum apparuerit gloria tua.*

*Consideratio.*

**C**onsiderabimus, cœlestem illam mensam, quam Deus iustis præparauit in cœlis: vbi panis qui eis manducandus proponitur est ipse Deus, cuius visione beatificantur: Ex huius panis esu ita satiantur & quietantur, vt nihil amplius desiderare queant.

*GRA.*

*Gratiarum actio.*

**G**Ratias reddemus Deo, quod tam ingentia bona in cœlis nobis præparauerit, eaque nobis promittat, & ad ea speranda & desideranda nos excitet, sufficiens etiam auxilium, pro iisdem bonis acquirendis suppeditat.

*Confusio.*

**P**udore suffundemur: quod cum Deus nos creauerit ad manducandum panem Angelorum, hoc est ad Deo perfruendum: nos potius delectati fuerimus cibis irrationalium bestiarum, illisque ita nos pauerimus, ut propter illos sæpè exposuerimus nos periculo amittendi cibum æternæ beatitudinis.

*Petitio.*

**R**Ogabimus Deum ut nulla ratione permittat, nos foras eijci è cœlesti conuiuio: sed illis nos annumeret, qui ad mensam ipsius accubaturi sunt, etiamsi nouissimi & minimi omnium futuri simus.

*Obla.*

*Oblatio.*

**O**fferemus Deo Patri merita Iesu Christi Redemptoris nostri cum meritis omnium sanctorum: vt per illis interuenientibus, locum aliquem nobis præbeat in regno suo. Offeremus etiam nosmetipsos ad tolerandam omnem famem, cæterasque præsentis vitæ molestias, ne æternam illam satietatem, & domus Dei requiem amittamus.

*Quando Ecclesiam transimus.*

Exercit. 40.

*Gen. 28. Verè Dominus est in loco isto: non est hic aliud, nisi domus Dei & porta cæli.*

*3. Reg. 8. Ergone putandum est, quod verè Deus habitet super terram.*

*Ibid. Si cælum & cæli cælorum, te capere non possunt, quanto magis domus hæc?*

*Ibid. Domus mea, domus orationis vocabitur.*

**Q**uotiescunque Ecclesiam pertransimus, nisi festinatione opus fuerit, ingrediemur eam, Deumque